



Broj: 10-33-27764/23

Dana: 12.07.2023. godine

Na osnovu čl. 4. i 22. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj: 15/23), Odluke Vlade Kantona Sarajevo o usvajanju Programa utroška sredstava Ministarstva zdravstva Kantona Sarajevo za 2023. godinu: broj 02-04-19964-4/23 i člana, u vezi sa članom 13.stav (1) tačka 14) Zakona o zdravstvenoj zaštiti ("Službene novine Federacije BiH, br.46/10 i 75/13) Ministarstvo zdravstva Kantona Sarajevo objavljuje:

JAVNI POZIV

za dostavu ponuda za pružanje usluga za realizaciju skrining programa ranog otkrivanja raka grlića maternice, raka dojke, raka debelog crijeva i melanoma u Kantonu Sarajevo za 2023. godinu

Pozivaju se sve javne zdravstvene ustanove, privatne zdravstvene ustanove i privatne ordinacije (u nastavku teksta: ZU) sa područja Kantona Sarajevo koje zadovoljavaju kriterije kadra, opreme i prostora potrebnih za pružanje usluga koje su predmet ovog Javnog poziva, da dostave prijave za pružanje usluga za realizaciju skrining programa ranog otkrivanja raka grlića maternice, raka dojke, debelog crijeva i melanoma u Kantonu Sarajevo za 2023. godinu – usluge PAPA testa, HPV genotipizacije, mamografije, imunohemijskog testa na okultno krvarenje i digitalne dermatoskopije.

1. PREDMET JAVNOG POZIVA

Predmet javnog poziva je pružanje usluga skrininga raka grlića maternice, dojke, debelog crijeva i melanoma koji će se realizovati putem:

- Usluge PAPA testa i HPV genotipizacije - paket
- Usluge mamografije
- Usluge imunohemijskog testa na okultno krvarenje
- Usluge digitalne dermatoskopije

Sredstva za realizaciju ovog Javnog poziva osigurana su u Budžetu Kantona Sarajevo za 2023. godinu, na razdjelu Ministarstva zdravstva Kantona Sarajevo u ukupnom iznosu od 373.000,00 KM.

Maksimalna jedinična cijena koju priznaje Ministarstvo zdravstva po pregledu je:

Usluge PAPA testa i HPV genotipizacije – paket 150 KM

Usluge mamografije – 60 KM

Usluge imunohemijskog testa na okultno krvarenje – 30 KM

Usluge digitalne dermatoskopije - 100 KM

Usluge će se pružati osiguranim i neosiguranim licima sa područja Kantona Sarajevo.

2. PRAVO UČEŠĆA

OPĆI KRITERIJI – potrebna dokumentacija:

- a) popunjen obrazac prijave (preuzet sa web stranice Ministarstva zdravstva www.mz.ks.gov.ba) (potpisan i ovjeren od strane ovlaštenog lica);
- b) Rješenje o upisu u sudski registar (samo za ustanove);
- c) Rješenje Ministarstva zdravstva o ispunjenosti uvjeta za rad (ovjerena kopija kod nadležnog organa ne starija od tri mjeseca);
- d) uvjerenje o poreskoj registraciji - identifikacioni broj (dostaviti ovjerenu kopiju kod nadležnog organa ne starija od tri mjeseca);
- e) potvrda poslovne banke da račun nije blokiran iz kojeg se vidi broj transakcijskog računa (ne starije od tri mjeseca);
- f) uvjerenje od porezne uprave o izmirenim poreznim obavezama doprinosima za zaposlene (ne starije od tri mjeseca);
- g) bilans stanja i bilans uspjeha za prethodnu godinu. (ovjeren od strane nadležnog organa);
- h) Izjavu o povjerljivosti i tajnosti svih ličnih podataka lica koji će učestvovati u projektu, (potpisana od ovlaštenog lica, ovjerena pečatom aplikanta).

POSEBNI KRITERIJI – potrebna dokumentacija koja obavezno sadrži:

- Naziv skrining programa na koji se zdravstvena ustanova prijavljuje;
- Mjesto (lokacija) realizacije skrining programa i osoblje koje će učestvovati u realizaciji aktivnosti u vezi sa navedenim programom na koji se prijavljuje;
- Kratak opis dosadašnjeg iskustva podnosioca u provođenju istih ili sličnih programa;
- IZJAVA o ukupnom broju zaposlenih unutar ustanove i raspoloživom broju timova zaposlenih za pružanje usluge u sklopu skrining projekta za koji se prijavljuje;
- IZJAVA o raspoloživosti savremene dijagnostičke opreme potrebne za obavljanje usluga predviđenih ovim Javnim pozivom, koja omogućuje precizne i pouzdane rezultate;
- IZJAVA o broju pregleda koje je moguće obaviti u ustanovi;

Kriteriji za dodjelu:

- Najniža cijena: 60 bodova
 - Broj pregleda: 20 bodova
 - Po osnovu posebnih kriterija: 20 bodova
- Ukupan broj bodova: 100



4. BUDŽET PROJEKTA I VISINA SREDSTAVA ZA DODJELU PO POJEDINAČNOM PREGLEDU

1. Skrining programa za rak grlića maternice (163.000 KM): 1.086 pregleda
 - Organizacija PAPA testova i HPV genotipizacije za žene u dobi od 25 do 65 godina, u skladu s preporukama za rano otkrivanje raka grlića maternice;
 - Edukacija žena o važnosti redovitog obavljanja PAPA testova i HPV genotipizacije i znakovima upozorenja raka grlića maternice;
 - Osiguravanje praćenja i tretmana za žene s pozitivnim rezultatima testa;
2. Skrining programa za rak debelog crijeva (30.000 KM): 1.000 pregleda
 - Organizacija imunohemijskog testa na okultno krvarenje za osobe u dobi od 50 do 75 godina, u skladu s preporukama za rano otkrivanje raka debelog crijeva;
 - Edukacija građana o važnosti redovnog obavljanja testova na okultno krvarenje i znakovima upozorenja raka debelog crijeva;
3. Skrining programa za rak dojke (60.000 KM): 1.000 pregleda
 - Organizacija mamografskih pregleda za žene u dobi od 40 do 65 godina, u skladu s preporukama za rano otkrivanja raka dojke;
 - Edukacija žena o samopregledu dojki i redovnom praćenju promjena;
 - Osiguravanje daljeg dijagnostičkog testiranja i liječenja za žene s sumnjivim ili pozitivnim rezultatima mamografije;
4. Skrining programa za melanom (120.000 KM): 1.200 pregleda
 - Edukacija javnosti o rizicima od melanoma i važnosti samoispitivanja kože radi otkrivanja promjena na koži;
 - Organizacija digitalnog dermatoskopskog pregleda za građane, posebno onima s povećanim rizikom od melanoma;
 - Osiguravanje praćenja i daljnjeg liječenja za osobe s sumnjivim promjenama na koži;

Planirano je da se obavi minimalno 4.286 pregleda iz sve četiri kategorije bolesti.

6. NAČIN DODJELE UGOVORA

Dodjela ugovora će se izvršiti sa ustanovama koje ispunjavaju uslove ovog Javnog poziva. Ocjenu i pripremu prijedloga rang liste ustanova za provođenje pregleda pristiglih na ovaj Javni poziv, vršit će komisija koju će imenovati ministar zdravstva Kantona Sarajevo. Ministar donosi konačnu odluku o dodjeli broja prijedloga na prijedlog komisije.

7. NADZOR, KONTROLA I IZVJEŠTAVANJE

Odobrena sredstva iz Budžeta Ministarstva moraju se iskoristiti za odobrene namjene, prema odredbama ugovora koje će Ministarstvo sklopiti sa zdravstvenim ustanovama. Svaki korisnik sredstava odobrenih po ovom Javnom pozivu obavezan je nakon realizacije obavljenih pregleda, a po potrebi i na zahtjev Ministarstva, dostaviti detaljan izvještaj o broju izvršenih usluga, što će se detaljnije propisati odredbama ugovora.



8. PODNOŠENJE PRIJAVA

Prijava na Javni poziv se podnosi u pisanoj formi na obrascu za prijavu, objavljenom na web stranici Ministarstva zdravstva uz potrebnu dokumentaciju.

Prijava i dokumentacija podnosi se na protokol ili putem pošte preporučeno na adresu: Ministarstvo zdravstva Kantona Sarajevo, ulica Reisa Džemaludina Čauševića br. 1, 71000 Sarajevo

sa naznakom

**“Prijava na Javni poziv za pružanje usluga za realizaciju skrining programa ranog otkrivanja raka grlića maternice, raka dojke, raka debelog crijeva i melanoma u Kantonu Sarajevo za 2023. godinu”,
u zatvorenoj koverti – ne otvaraj.**

Informacije vezano za predmet Javnog poziva mogu se dobiti na broju 033/562-106.

Tekst Javnog poziva, propisani obrazac za prijavu, formular i rang lista bit će dostupni na web stranici Ministarstva www.mz.ks.gov.ba.

Rok za podnošenje prijava je **21 dan od dana** objave na web stranici Ministarstva i Vlade Kantona Sarajevo.

Prijava sa odgovarajućom dokumentacijom podnosi se u zatvorenoj koverti na čijoj poledini obavezno navesti ime podnosioca prijave, adresu i kontakt telefon.

Neblagovremene, nepotpune prijave neće biti predmet razmatranja po ovom Javnom pozivu.

MINISTAR
Prof. dr. Haris Vranić, s.r.

